

年夏霖雨成災設船救生運米平糶遇案罰款撥充書院公產去任後民有餘思祠而祀之

徐以芬字祝三浙江山陰人同治三年授白石場五斗卸事七年復任鹽政之暇好行其德刊發勸善文施乞丐棉衣遇疫分藥丸購東郊地爲義塚塋墓置棺木豎碑召認建茶亭東門外種樹以息行人皆以自廉俸不假資助九年解組貧其卒於郡至今民猶懷之

王德溥字香坪同治八年合浦北海初設釐金民情憤激戕收稅員沈茂蘭德溥聞耗馳至變已作勢猶洶洶乃步行曉諭逮獄興復爲救解止糾禍首全活甚衆民建香坪書院紀念之

鹿傳霖字滋軒直隸定興翰林光緒三年守廉州洞達公私利幣築壩過州江口西流趨勢使南注廣域入海以通水利建設甫定旋調守廣州西人私買民舍據約爭還官至河南廣東巡撫四川總督大學士軍機大臣謚文端

危德連字帥丞湖南優貢光緒十二年合浦明敏果決嫻於吏治斷民女嫌貧拒聘當堂與送完婚案斷無賴謀財斃嬰假設神道誘供番皆傳誦人口倡建廉湖永安等處社學亦能興起士風

劉齊溥字子微福建侯官進士光緒十五年守廉州創味經書院購四部經籍及時務諸書供生徒瀏覽蠲廉設敬節堂徵息月給貧嫠前後二次在任十餘年

柴廷淦字芝令（舟旁）河南優貢光緒二十一年宰合浦自奉儉約操守剛介不可干以私科縣考關防嚴密前列者更迭面試危坐堂上饗殮不離校士之嚴如此所拔多知名士尤工於八法深肖黃山谷墨蹟今邑人猶珍之

賈世興字銘五甘肅人光緒二十一年以舉人來攝邑篆時地方無事矢意振興文教按月聚邑中生童而扁試之終日危坐講堂有問難者爲之指導屢屢不倦常自擬作示諸生文思敏捷親校課卷獲佳藝當堂批示獎誘備至士林稱之

鄧倬堂字雲村湖北人由庶常散館改知縣光緒二十四年宰合浦倬堂下車伊始以振興文教自任時召諸生討論每遇書院

課卷必親評閱獲佳藝手書獎勵多士得所矜式益加奮勉當時文風稱盛

郭之全字友琴河南信陽舉人光緒二十七年守廉州時匪風猖獗閭里騷然之全治亂用重典除惡務盡督各鄉厲行保甲人咸用命於是巨匪以次授首四境安謐民慶更生

李崇洗字俊臣陝西進士光緒三十年守廉州賦性剛介釐剔弊周諮博訪遇控府訟事必親讞鞠高坐堂皇手批口答吏胥重足豪強斂跡循聲六著

高觀昌字夔伯江蘇翰林光緒三十一年守廉州銳意新政郡邑中小學始親行開學典禮設合浦學務公所提挈興學修味經書院爲府工藝廠選會靈兩屬藝徒工作其間開創以來卓著成效鄰境聞風興起軌來取法高瓊雷陽欽江諸州郡政察之使累至又設慶北巡警局二所又捐廉設因利局通濟貧民且見諸實施者燦然可觀調守雷州又調廣州旋陞廣東巡警道吳蔭培字穎之江蘇吳縣探花曾遊日本考察政治歸國後欲有建白出爲外吏光緒三十三年守廉州甫下車卽視察各學校欲於任內仿行日本新政適值穀貴亂民擁蔭培入富家閨倉次日遂致焚中小學之變未逾月撤任曾與分殺者攀轅走送蔭培好吟詠著作頗多今尚有流傳者

李經野字萃夫山東荷澤進士光緒三十三年守廉州豁免苛細雜捐提創詩學公餘集諸生唱和清釐中學田產改試院復餘園爲圖書館明孝子李淨本墓在五峯山爲人佔據勸明修復焉在任三年台省以卓異薦屢積乞休

右新輯

遷謫附

漢

張由中郎謁者哀帝卽位遣由將醫治中山小王孝王子時未滿歲有告病由素有狂易病病發怒去西歸長安尚書簿責擅去狀由

恐因誣中山太后孝王太后賜昭儀也祝詛上及太后太后印傳昭儀也素常怨馮太后使中詢者令史立等雜治立受傅太后指劾奏祝詛謀反大逆馮太后無服辭飲藥自殺張由以先告賜爵關內侯史立遷中太僕哀帝崩孔光奏由前誣告骨肉立陷人入大辟為國家結怨於天下以取秩獲爵邑幸蒙赦令請免為庶人徙合浦 漢書以戚馮昭儀也

毋將隆字君房東海蘭陵人累官冀州牧哀帝初以高第八為京兆尹遷執金吾後帝命中黃門發武庫兵送侍臣董賢隆執奏收還之帝不悅左遷沛郡都尉遷南郡太守王莽少時慕與隆交隆不肯阿附及莽秉政使大司徒孔光奏隆前為冀州牧治中山馮太后獄寬陷無辜免官徙合浦

孫寵官待詔建平四年與息夫躬等告東平王雲后謁祠祀祝詛下有司治伏其辜封寵光陽侯食邑千戶 漢書董賢傳 元壽二年坐前為姦讒徙合浦 漢書以戚馮昭儀表

董恭董賢父也賢始幸問及其父為雲中侯即日徵為霸陵令賢寵愛日甚遷賢父為少府賜爵關內侯復徙為衛尉賢代丁朋為大司馬百官因賢奏事以父恭不宜在卿位徙為光祿大夫秩中二千石弟寬信為駙馬都尉哀帝崩賢自殺父恭弟寬信與家屬徙合浦 漢書董賢傳

淳于曄父長幸 漢書大逆死獄中妻子當坐者徙合浦母欲歸故郡久之遷長母及子曄於長安復曄有罪王莽殺之 漢書淳于長傳

冷爽哀帝即位傅太后要上欲必稱尊號上於是追尊定陶共王為共皇傅太后為共皇太后丁后為共皇后郎中冷爽黃門郎段猶等積奏不宜引定陶藩國之名以冠大號又宜為共皇立廟京師上復下其議有司皆以為宜如爽猶言平帝即位新都侯王莽白太后太后發掘傅太后丁太后塚奪其璽綬更以民葬之定陶隱廢共皇廟諸造議冷爽段猶等皆徙合浦 漢書

師丹傳

傅宴以皇后封孔鄉侯綏和二年四月壬寅漢恩澤侯表與帝舅陽安侯丁明同日俱封傅氏既盛宴最重孝哀傳皇后傳元壽元年為大司馬衛將軍漢書計鄧傳平帝即位王莽用事免傅氏官爵歸故郡宴將妻子徙會浦漢書傳喜傳

呂寬莽子字非莽隔絕衛氏與師吳章及婦兄呂寬議其故章以莽為不可諫而好鬼神可為變怪以驚懼之因推類說令歸政於衛氏字即使寬持血灑莽門第門吏發覺之莽執字送獄飲藥死呂寬家屬徙合浦漢書王莽傳

王章泰山鉅平人為京兆尹時帝舅大將軍王鳳輔政章奏封事召見言鳳不可任用上不忍退鳳章遂為鳳所陷罪至大逆下廷尉獄妻子皆收擊章死妻子徙會浦鳳薨後弟成都侯商復為大將軍輔山白上還章妻子故郡其家屬皆完具米珠致產數百萬時蕭育為泰山太守皆令贖回田宅漢書本傳

東漢

陰軼南陽新野人曾祖姑曼華為光武后陰氏自建武以來緣戚屬世為卿校恩寵無比軼女弟和帝時為貴人有殊寵永元八年立為后拜父綱為屯騎校尉軼以盛滿為憂嘗密言於綱務自斂戢十四年后以鄧貴人專房積忿不平與外祖母咒詛事發上使中常侍張慎治掖庭獄后被廢家屬徙日南北景聽軼徙至會浦至郡益自畏慎常以財物周卹貧乏閉戶涉獵經史恂恂若儒生永初四年鄧太后詔赦軼歸故里還其家財

桓華字文林沛國人五世祖榮為明帝師封關內侯父鸞操行有名徵拜議郎華尤有志節仕為郡功曹姑為司空楊賜夫人鸞卒姑赴哀將至傳舍整飭從者而後入華心非之及姑勞問終無所言號泣而已一殮之惠不受於人後舉孝廉有道方正茂才三公並辟皆不應初平中天下亂更名嚴避地吳郡久之浮海客交趾往來南海越人化之至閩里不爭訟後為仇家所誣死合浦獄聞者流涕

梁

魏汝陰王孫慶和汝陰王天賜子暹暹子慶和任豫州刺史為梁將所攻舉城降梁武以為北道總督魏王至項城朝廷出師討之望風退走梁武責之曰言同百舌膽若美（鼠旁）鼠遂徙台浦北史魏汝陰王傳

唐

張說字道濟洛陽人武后時任鳳閣舍人初魏元忠為洛州長史張易之奴橫暴元忠杖殺之及元忠為相易之為昌期求雍州刺史復不與因魏元忠引說為助后親臨問說言臣實未聞俱易之所授耳后怒流欽州中宗又乃召還累官中書令封燕國公謚文正子鈞襲以受祿山偽職肅宗以說舊勳免死流合浦

何遊秦新州人代宗時讀書於家講求大義知其兄遊魯有異志即棄產攜妻子客合浦為採珠徒長溷跡海上人莫知為懷奇抱異之士

魏佑魏州曲成人宰相鄭公文正諱微之元孫也開元天寶中家貧就仕為雷州參軍遷廉州刺史周游交廣杜甫有詩贈之

宋

蘇軾字子瞻四川眉山人幼穎悟有識博通經史好賈誼陸贄莊子書嘉祐二年試禮部第二知貢舉歐陽修曰吾當避此人出一頭地累官禮部尚書兼端明殿翰林侍讀學士徙知湖州御史李定舒摭謝表為訕謗安置廣州築室於東坡自號為東坡居士旋起用宣仁時侍御史賈易輩先後論軾文詞譏斥先朝皆坐黜及紹聖初御史復以為言謫知英州未至貶寧遠軍節度副使惠州安置居三年又貶瓊州別駕居昌化昌化故儋耳地非人所居藥餌皆無初就（人旁）居官屋有司不可軾遂買地築室（人旁）人運甃畚土助之元符三年五月詔移廉州六月二十四日渡海由雷之興廉村道白石場書壁間有清水南白石北此地嵯峨人不識之句至廉館於城中舊倅廳之右士人鄧擬者從之遊嘗為書長春亭額在房有龍眼詩和愈上人詩又有題少游學書乃云庚辰八月二十四日書於合浦清樂軒及記蘇佛兒語時梅聖俞客歐陽晦夫寓廉贈以詩未幾

遂移靜州節度副使永州居住有留別廉州張左藏及餅筵詩遂以月中由博白北行去

與鄧老書云到廉廉守云公已行矣賦留此過中秋至月未乃行至北流作木筏下亦勝嘉廉

重悟與過的殿家至相命却假舟沂質江而上亦陸節節乃至永云

賦貶嶺南以少子過自隨瘴癘所侮胸中泊然無所芥蒂後人無賢愚皆付其歡心復

朝奉郎提舉玉局觀明年卒於常州年六十有六軾自為舉子至出入侍從必以愛君為本凜凜大節每為小人所忌高宗即位贈資政殿學士以其孫符為禮部尚書又以其文置左右讀之忘倦親製集贊賜曾孫喬崇贈太師謚文忠子三邁迺過俱

善文

錄過字叔黨軾少子軾知杭州過年十九以詩賦解兩浙路禮部試下及軾為兵部尚書任右承務郎軾帥定武謫知益州遷

唐一人旁耳漸徙廉永獨過侍之凡生理晝夜寒暑所須者一身百為不知其難初至海上為文曰志隱軾覽之曰吾可以安

於島夷矣因命作孔子弟子別傳軾卒於常州過葬軾汝州郟城小峨嵋山遂家穎昌自號斜川居士時稱為小坡其去轍每

稱過孝以訓宗族且言吾兄遠居海上惟成就此兒能文也 宋史本傳

陳一字瑩中閩之沙縣人初授浙東越州判官為守蔡卞所知唯(下旁)知其心術常不欲近章惇入相引與同載首言欲斥司

馬光奸邪曰果爾當失天下望惇不悅徽宗初立以韓彥薦為左右言論罷蔡京章惇擢給事中後投書曾布辨論不合布惡

之出知泰州崇甯元年與龔夬等俱貶袁州二年移廉州寓廉之宣化坊區其齋曰了齋杜門謝客讀經史百家書心賞者必

錄於壁久而會為一冊曰壁記又著尊堯集五年遇赦自廉移林(邑旁)京恨未消連歲貶斥竟卒於楚年六十五高宗朝追

謚忠肅卒忠定公綱跋了齋書子美哀江頭詩曰了翁得邵康節易數皇極先天之學心解神悟多能前知如丙午歲事嘗為

所親者預道之 鈔宗廟慶元年丙午金 壬寅春公未歿數日其孫堦蕭君建功求字公為書老杜哀江頭壹篇乃絕筆也非惟筆

力道助略觀衰病之氣蓋寓意靖康之變於其間以公之學精微知數之必爾而平生議論慨然不少屈折雖流離顛沛妻子

至凍餓而不顧可謂樂天知命者矣蕭君訪余於武昌出公墨蹟求余跋開卷讀之凜然如對面而聽其疊疊之言也感念平生爲之流涕余嘗論古人處天人之際者正與公合因并書以遺之使讀者知公於古人無間然且以見余與公相知之厚云爾又跋了翁自跋敢疑論後曰了翁晚年嘗與所親曰吾往年以論事遭憂患他無足恤所懼惟死耳今則死生皆置度外未嘗動心觀其自跋敢疑論後殆懼死時語也其後謝謫官表云海島萬里不如無子之無憂江湖一身猶覺有生之有患則了無懼意夫死生亦大矣以了翁之學至晚年然後不以動其心其難如此學者可不勉哉

曾布在建中靖國中嘗因漸進紹述之說與蔡京異京奏布以宰相私其親陳佑甫子布壻也罷知潤州京積恨未已布落職提舉太清宮又降司農卿以舉官失當及棄澧州謫廉州司戶凡四年乃徙舒州

明

胡松字茂卿績溪人正德九年進士嘉靖時爲御史桂萼薦王瓊松論之忤旨謫廉州推官後累官工部尚書 明史本傳

戴士衡字章尹福建莆田人萬曆十七年進士除新建知縣擢吏科給事中薊州總兵官王保濫殺南兵士衡極論其罪既而劾石星誤國五大罪千戶鄭一麟奏請昌平銀礦士衡以地逼天壽山抗疏力爭不報又極陳天下大計言方今事勢不可知者三天意也人心也氣運也大可慮者五綱紀廢弛也戎狄侵陵也根本搖動也武備疏略也府藏殫竭也其切要而當至正者一則君心也皆不報鄭貴妃從父鄭承恩與士衡有隙而全椒知縣樊玉衡方上疏言國本指斥貴妃遂妄引士衡與其謀貴妃泣訴不已上震怒下獄拷訊士衡成慶州樊玉衡成雷州士衡在廩閉戶讀書與諸生談經課藝廉士所興起後遇赦皆不原卒於戍所巡按御史田生金請贖其戍籍釋玉衡生還不許天啟中贈士衡太僕少卿

李若正字紫垣河南息縣人萬曆三十二年進士歷知棗強真定權御史劾京兵部尚書黃克縉之蠹國病商四弊天啟三年以右僉都御史巡撫甘肅陞辭發魏忠賢客氏之奸明年遺將李河套松山諸部鑿番捷聞不敘有傳若星將起義兵清若側之

惡者忠賢聞之卽令許顯純入之汪文言獄詞誣其賄越南星得節鉞遂革職提問杖三百戍慶州崇禎元年赦還以工部右侍郎總理河道丁父憂起用總督川湖雲貴軍務福王時解職以鄉邑殘破家於黔桂王遣武岡召爲吏部尚書未赴死於亂

兵

郭鞏字金谿北直遼安人萬曆四十一年進士任兵部左侍郎魏忠賢敗名屢逆案謫戍慶州楊嗣昌巡撫永平鞏鄉人爲之訟

寬乃聞於朝廷復焉

右採錄府志





選舉志

自鄉舉里選之法弛而科舉以重自清季預備立憲興學校廢科舉而選舉之制又變蓋選政大典斷無久而不變之理故稽諸古制科貢仕進廉雖邊徼名位無殊至封贈襲廢用以酬庸國體雖更古意尚在則夫事關掌故未可略而不載也志選舉

選舉一

孝廉茂才孝弟力田

漢

丁茂合浦人孝廉官交趾太守有傳

按傳中不載服官

姚文式合浦人茂才建安中舉官交州治中有傳

明

劉孔仁合浦人孝悌力田洪武初年舉官河南潁上知縣有傳

王熙合浦人孝廉正統初年舉官山東兗州府同知

右採錄府志

科目二

進士

明

永樂朝

陳穎官浙江德清縣知縣

林森官知縣

周英官福建甌寧縣知縣有傳並二年甲申科

盧榮

李昂四年丙戌科官戶部主事有傳已上合補人

韓珠九年辛卯科官山西右參政有傳

朱惠官山西道監察御史有傳按傳中作江西道

沈福官江西道御史有傳並十三年乙未科已上石康人

景泰朝

裴東五年甲戌科官福建左參議有傳石康

天順朝

鄭護四年庚辰科通志考正係成化八年壬辰科官繁昌知縣縣見題名碑府志邑志均誤作天順庚辰進士石康